



10. Tschanteda dal cussagl cumünel in marculdi, ils 21.5.2014 a las 19.00 in chesa cumünela S-chanf

Presidi: Duri Campell

Preschaints: Gian Andrea Bott, Paolo Bernasconi, Jnes Barblan, Liun Quadri

Absaints:

Actuar: Duri Schwenninger

Tractandas:

1. Protocol
2. 0.211 Dumandas da fabrica
3. 0.205 Rendaquint 2013, prüma lectüra
4. 8.001 Decisiun regard lavur der e serrer gio l'ova da las alps
5. 6.200 Via Sur il Chaunt Cinuos-chel, surder lavuors catramer
6. 0.210 Decisiun regard surpiglier lingias dal s-chudamaint a distanza da J. S. Salzgeber, ev. credit fr. 123'000.00
7. 9.999 Varia

La glista da tractandas vain approveda cun stricher la tractanda 6, siand cha las trattativas nun haun pudieu gnir glivredas.

Protocol: Il protocol da la tschanteda dals 14.05.2014 vain approvu unanimamaing.

70 0.211 Dumanda da fabrica Angelini SA, nouva porta da servezzan vers saira

Il cussagl piglia cugnuschentscha da la dumanda da la firma Angelini SA per fabricher üna nouva porta da servezzan vers saira da la nouva garascha sün parcella nr. 798 in Serlas. Il cussagl decida unanimamaing da conceder il permiss da fabrica giavüscho.

71 0.211 Dumanda da fabrica Biffi-Heeb Chatrigna, nouva saiv engiadinaisa

Il cussagl piglia cugnuschentscha da la dumanda da Chatrigna Biffi-Heeb per eriger üna nouva saiv engiadinaisa lung la parcella nr. 216 in Islas, vers la via cumünela. Tenor ledscha da fabrica ho la saiv da tgnair aint üna distanza da cunfin da 50 cm. Il cussagl decida cun 4 cunter 1 vusch da conceder il permiss da fabrica giavüscho cun differentas cundiziuns.

**72 0.205 Rendaquint/planisaziun da finanzas
Rendaquint 2013**

Per quista tractanda es preschaint il contabel. Il cussagl fo üna lectüra dal quint da gestiun, dal quint d'investiziuns e dal bilauntsch per l'an da gestiun 2013. Tar expensas totelas da 9,7 milliuns francs ed entredgias da 10.08 milliuns francs serra quel cun ün allegraivel avauz da 0.296 milliuns francs. Las amortisaziuns s'amuntan sün telmaing 2,37 milliuns francs. Per 2,08 milliuns francs sun gnidas fattas amortisaziuns extraordinarias. Tal quint d'investiziun importan las sortidas 4,1 milliuns francs. Las entredgias dal quint d'investiziuns importan 0,62 milliuns francs, uschè cha la vschinauncha ho gieu da finanzcher investiziuns nettas d'arduond 3,49 milliuns francs. Il Cashflow importa 2,8 milliuns francs. Zieva cha davart dal contabel sun gnidas dedas tuottas spiegaziuns giavüschedas decid'il cussagl unanimamaing da suottametter quel a la prosma radunanza cumünela per l'approvaziun e per der dis-charg als organs respunsabels.

**73 8.001 Alps e pasculs
Decisiun regard lavur der e serrer giò l'ova da las alps**

Il depüto spiega, cha fin uossa d'eira la gruppa da lavur da la vschinauncha respunsabla per der ova da prümavaira a las alps e per serrer giò l'ova d'utuon. Siand cha quista pratcha nu cuntainta, es gnieu il giavüscheda da surder la respunsabilted per quella lavur a la fittadina da las alps, a la societad d'alps e pasculs. Zieva animeda discussiun decida il cussagl cun 4 cunter 1 vusch, cha la lavur da serrer giò e'l der ova dess esser a partir da dalum chosa da la societad da pasculs ed alps. Il materiel per eventuelas reparaturas vaun a charg da la vschinauncha.

**74 6.200 Vias e piazzas cumünelas
Via Sur il Chaunt Cinuos-chel, surder lavuors da catramer**

Siand cha l'ultim töch da la via zieva l'indriz per fermer sü la muaglia tal pro da la faira a Cinuos-chel es in ün nosch stedi e chaschuna minch'an cuosts, s'ho decis da catramer la via fin tar l'access privat, tar l'ultima chesa. Il cussagl piglia cugnuschentscha da las offertas chi sun entredas e decida cun 4 cunter 1 vusch da surder la lavur per catramer a la firma Walo Bertschinger SA da Samedan per l'import offert da fr. 14'666.40.

75 9.999 Varia

Da quista tractanda nu vain fat adöver.

A las 22.35 vain la tschanteda alveda.

In buna fè

L'actuar:
D. Schwenninger